

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnerat pillugu inatsisip allanngortinneqarnera pillugu inatsisip pillugu eqikkaaneq (umiarsuarni allagartat akuersissutit pillugit ilassut)

Kalalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnerat pillugu inatsisip (L 103-p) allanngortinneqarnissaa pillugu inatsisissatut siunnersuutikkut, Folketingimi ulloq 6. februar 2024-imi saqqummiunneqartukkut, immami suliniarnerit aamma umiarsuit isaterneqarnerannik suliniarnerit, inatsimmi kapitali 2-miit 9 ilanngullugu imaluunniit §§ 21-imi imaluunniit 22-imi ilaatinneqanngitsut, malitsigisaannik immap mingutsinneqarnissaa pitsaaliorniarlugu aamma killilerniarlugu miljoministerip malittarisassanik aalajangersaasinnaanera pillugu (umiarsuarni allagartat akuersissutit pillugit) piginnaatitsissummik inatsimmi ilanngussisoqarnissaa siunnersuutigineqarpoq.

Kalaallit Nunaata eqqaani imartani aningaasaqarnikkut immikkut oqartussaaffigisani, Issittumiittumi, umiarsuarni ikummatissatut atorneqartussatut uuliamik oqimaatsumik taaneqartartumik atuinissap inerteqqutigineqalernissaanik aamma assartorneqannginnissaanik siunertap naammassineqarnissaanut inatsisissatut siunnersuummi missingiutit ilaa, 2023-imi ukiakkut ataatsimiinnermut atatillugu Kalaallit Nunaanni Namminersorlutik Oqartussanut, matumani Inatsisartut ilanngullugit, oqaaseqaateqarfigeqqullugu saqqummiunneqarpoq.

Hong Kong-imi isumaqatigiissummut Kalaallit Nunaata nunatut nangaassuteqarnerata atorunnaarsinneqarnissaa pillugu Inatsisartut ulloq 3. november 2021 aalajangiiffigisaat malillugu, isumannaatsumik aamma avatangiisit pillugit illersorneqarsinnaasumik umiarsuit isaterneqartarnissaat pillugu Hong Kong-imi isumaqatigiissummut 2009-meersumut peqataanissaminik Kalaallit Nunaata kissaateqarnerata malitsigisaanik naalagaaffiit innuttanut pisussaaffiisa naammassineqarnissaasa qulakkeerneqarnissaat siunertarlugu, Hong Kong-imi isumaqatigiissutit ilaata atortuulersinneqarnissaanut Kalalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnerat pillugu inatsimmi malittarisassanik immikkut ittunik aalajangersaasoqarnissaanut periarfissaliissutissiinissaq pisariaqartinneqartoq Miljøministereqarfiup 2023-imi ukiakkut uppersarpaa.

Tamanna tunngavigalugu Inatsisissatut siunnersuutigineqartumi qulaani taaneqartumi piginnaatitsinissamut aalajangersakkat pisariaqartinneqartut miljøministereqarfiup missingiummut ilannguppai. Inatsisissatut siunnersuut tamatuma kingorna ulloq 6. februar Folketingimi saqqummiunneqarpoq aamma ulloq 18. april 2024 akuersissutigineqarluni. Inatsit akuersissutigineqartoq ulloq 1. Juli 2024 atuutilissaaq.

Inatsisartut Allattoqarfiata, Nunalerinermut, Imminut Pilersornermut, Nukissiutinut Avatangiisinullu Naalakkersuisoqarfiup aamma Miljøministereqarfiup ukioq manna maajimi oqaloqatigiinnerisa kingorna, inatsisissatut allannguutip inatsimmullu oqaaseqaatitallip akuersissutigineqartup tuaviortumik Inatsisartunut saqqummiunneqarnissaa aalajangerneqarpoq.

Kalaallit Nunaata eqqaani imartami aningaasaqarnikkut immikkut oqartussaaffigisami (EØZ-imi) umiarsuarni allagartanik akuersissutinik atulersitsinissaq pillugu malittarisassat atuutilersinneqarnissaannut piginnaatitsissut aatsaat nalunaarutikkut, Hong Kong-imi isumaqatigiissutip ulloq 26. juni 2025-imi atuutilersinneqarnissaa sioqquitsiarlugu atortuulersinneqarnissaa naatsorsuutigineqarmat, maluginiarneqassaaq. Kalaallit Nunaanni Namminersorneq pillugu inatsimmi § 18 malillugu nalunaarummut missingiut namminersorlutik oqartussanut saqqummiunneqarumaarpoq.

Kalaallit Nunaata eqqaani imartani aningaasaqarnikkut immikkut oqartussaaffigisani isumannaatsumik aamma avatangiisit pillugit illersorneqarsinnaasumik umiarsuit isaterneqartarnissaat pillugu Hong Kong-imi isumaqatigiissutip ilaanik naammassinninnissamut nalunaarutikkut piginnaatitsissut aamma atuutilersitsineq pisariaqarpoq. Naalagaaffiit Peqatigiit imarsiornermik suleqatigiiffiata akisussaaffigisaata ataani Hong Kong-imi isumaqatigiissut 2009-imi akuersissutigineqarpoq.

Piginnaatitsinermut tunngaviusoq piginnaatitsinerullu annertussusaa

Umiarsuit isaterneqarnerannik suliniarnerit pillugit malittarisassanik aalajangersaaneq aqquutigalugu Hong Kong-imi isumaqatigiissutip atortuulersinneqarnissaanut siusinnerusukkut § 22-imi periarfissaliissuteqanngitsoq, Miljøministereqarfiup nalilerpaa. Taamaammat immami suliniarnerit aamma umiarsuit isaterneqarnerannik suliniarnerit, Hong Kong-imi isumaqatigiissutip eqquutinneqarnissaanut Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnerat pillugu inatsimmi kapitali 2-miit 9 ilanngullugu imaluunniit §§ 21-imi imaluunniit 22-imi ilaatinneqanngitsunik, immap mingutsinneqarnissaa pitsaaliorniarlugu aamma killilerniarlugu miljøministerip malittarisassanik aalajangersaasannaanera pillugu piginnaatitsissummik inatsimmi ilanngussisoqarnissaa Miljøministereqarfiup nalilerpaa. Immami suliniarnerit aamma umiarsuit isaterneqarnerannik suliniarnerit pissutigalugit mingutsitsinerit pitsaaliorniarlugit killilerniarlugillu malittarisassat, nalunaarusiornikkut piginnaatitsinikkut miljøministerimit aalajangersarneqarnissaat naleqqunnerpaajusoq, ilaatigut malittarisassat teknikkikkut paasileroruminaatsutut pissuseqarnerat, ilaatigullu siunissami malittarisassat naleqqussarneqarnissaannut tunngatillugu ajornaatsumik allanngortitsisoqarsinnaananeranut tunngatillugu periarfissanik annerpaanik taamaaliornerup pilersitsinissaa pissutigalugu, Miljøministereqarfiup nalilerpaa.

Kalaallit Nunaata eqqaani imartani aningaasaqarnikkut immikkut oqartussaaffigisani avatangiisit illersorneqarnerat pillugu inatsimmi kapitali 10-mi inatsisikkut aalajangersakkamik ilanngussisoqarpoq, tamatumalu kingorna nunat tamat akornanni isumaqatigiissutit eqqortinneqarnissaat siunertaralugu, § 22 a-p ilanngunneqarnissaa pillugu inatsisissatut siunnersuummi § 1, nr. 1 malillugu, inatsimmi kapitali 2-miit 9 ilanngullugu imaluunniit §§ 21-imi imaluunniit 22-imi ilaatinneqanngitsunik, immap mingutsinneqarnissaa pitsaaliorniarlugu aamma killilerniarlugu, miljøministerip malittarisassanik aalajangersaasinnaanissaanik piginnaatinneqassaaq.

Umiarsuit isaterneqarnerat immami aningaasarsiornikkut kisermaassiffiusumi pineq ajormat, kisianni nunami pisarmat, umiarsuit isaterneqarnerannik suliniarnerit pillugit malittarisassanik aalajangersaanissaanissamut piginnaatitsineq taamaallaat umiarsuarmi atortussat navianartut pillugit nalunaarsuuteqarnissamik pisussaaffeqarneq pillugu kiisalu umiarsuarmut immikkut ittumik allagartamik akuersissummik, tassani nalunaarsuiffiup piumasaaqatit nunat tamat akornanni aalajangersarneqartut eqqutikkai uppersarneqarluni, matumani periaatsit, ilutsit aamma oqaatsit pillugit piumasaaqatit, allagartat akuersissutit atuuttuunerat aamma nakkutilliinermik oqartussaasut allagartanik akuersissutinik, nunani allani atulersinneqartunik akuersissuteqarnerat ilanngullugit, isumaqatigiissutit peqarnissaq pillugu malittarisassanik aalajangersaanissamut atorneqarsinnaassaaq. Hong Kong-imi isumaqatigiissutip ilaata, inatsimmi matumani ilaatinneqartussaasut, naammassineqarnissaa siunertaralugu, tamakku pillugit malittarisassat nalunaarusiornikkut ulloq 26. juni 2025 atuutilersinneqartussakkut, aalajangersarneqarnissaat naatsorsuutigineqarpoq. Pinngortitap avatangiisillu, nunami isaterinerup piffiani, umiarsuit isaterneqarneranik suliniarnernit mingutsinneqarnissaasa pitsaaliorneqarnissaanut aamma killilerneqarnissaannut aamma allakkut sunnerneqarneqarnissaannut malittarisassat tapersiinissaat siunertarineqarpoq.

Umiarsuarnik isaterineq taamaallaat nunami pisarmat, umiarsuit isaterneqartarnerannut illuliat- suliffeqarfiillu pillugit Hong Kong-imi isumaqatigiissutip aalajangersagartaasa naammassineqarnissaat pillugit Kalaallit Nunaat malittarisassanik aalajangersaasusammatt, maluginiarneqassaaq.